

A decorative horizontal line consisting of a series of blue diamond shapes, each with a white center, arranged in a repeating pattern.

Prop. Attached

जम्मू-कश्मीर पुलिस ने गुलाम नबी शाह उर्फ डाक्टर Fai जिसी फरार घोषित किता गेदा ऐ- दी सम्पत्ति गी अटैच कीता ऐ। ओह कथित तौर पर इक पाकिस्तानी एजेंट हा ते आई.एस.आई लेई पैसा किट्ठा करदा हा। पुलिस ने बडगाम पुलिस थाने च दर्ज FIR पर कारवाई करदे होई एह कारवाई कीती ऐ। सम्पत्ति गी जब्त करने दा आदेश सरबन्धी प्रशासन थवां हासल होआ ऐ। अधिकारियें दा गलाना ऐ जे एह कारवाई गैर कनूनी गतिविधियें च शामिल लोकें खिलाफ कारवाई गी दर्शादी ऐ तांजे जम्मू-कश्मीर थवां आतंकवाद सरबन्धी फंड ते सरबन्धी तंत्र गी तबाह कीता जाई सकै।

<><><><><><>

Kala Utsav Award

जम्मू-कश्मीर दी हरमन कौर ने पुणे च आयोजित राष्ट्रीय “कला उत्सव” च वाद्य संगीत दी एकल श्रेणी च दुई थाहर हासल करियें प्रदेश दा नां कीता ऐ। हरमन कौर दी शानदार प्रस्तुति ने उत्थै मजूद लोकें ते निणर्याक मंडल दे जजें गी बड़ा मता प्रभावत कीता- जेहदे ने प्रांतै दे सगो-सार सांस्कृतिक विरासत ते संगीत प्रतिभा गी उजागर करने दा मौका हासल होआ। एह छड़ा हरमन कौर दा गै मान नेई सगुआं राष्ट्रीय स्तरै पर जम्मू-कश्मीर दी बधदी पंछान दी बी मसाल ऐ।

<><><><><><>

Railway Scratch Rakes

जम्मू रेलवे डिविजन आसेया घने कोहरे करी रेलगड्डियें दे समें च लग्गने आले चिर गी घटाने ते यात्रियें दी सुविधा दे मददेनजर किश तालमी रेलगड्डियें च बाद्दू रेक लाने दी बवस्था कीती जाग। इस प्रणाली दे तैहत इक बाद्दू ते पूरी चाली तयार रेक गी स्टैंडबाय पर रखेया जाग ते ओदा इस्तेमाल घनी धुंध जां संचालन सरबन्धी परेशानियें करी चिर लग्गने दी सूरतै च कीता जाग। हाल दी घड़ी ए सुविधा जम्मू तवी- अजमेर एक्सप्रेस ते श्री माता वैष्णो देवी कटड़ा- न्यू दिल्ली- कटड़ा एक्सप्रेस लेई गै लागू कीती गई ऐ। सरबन्धत अधिकारियें दा आखना ऐ जे ए बवस्था उस्सलै गै अमल च आंदी जाग जिस्सलै रेलगड्डी दे तय समें च 7 घंटे जां एदे शा मते दा चिर लग्गोग।

<><><><><><>

Prog. Announcement (Teaser)

आकाशवाणी दा क्षेत्रीय समाचार एकांश जम्मू राश्ट्री उपभोक्ता दिवस-2025 दे मौके पर 30एं मिनटें दा इक विशेष कार्यक्रम अज्ज 24 दिसंबर गी प्रसारित करोग। इस विशेष प्रसारण दा विशेषार होग “जागरूकता थमां कार्रवाई तगर”। इस कार्यक्रम दा प्रसारण दपैहरी साङ्गे 12 बजे कीता जाहग। इस विशेष प्रसारण च स्थाडियां परौहिनयां होडन उपभोक्ताएं दे मामलें दा नबेड़ा करने सरबन्धी प्रदेश आयोग दियां मिम्बर हेमा चौधरी, जेहिड़ियां कार्यक्रम दे विशे पर अपने माहिराना विचार स्थाड़े कन्नै सांझे करडन। कार्यक्रम दी मेजबानी स्थाड़े एंकर विजय बजाज होर करा'करदे न। इस चाल्ली दे होर सूचना प्रदान करने आहले प्रसारणें गी तुस आकाशवाणी जम्मू दे मीडियम वेव 303 मीटर यानि 990 किलोहर्ट्ज ते एफ.एम 103 मैगाहर्ट्ज पर सुनी सकदे ओ।

<><><><><><>

Read by : **Jagmohan Sharma**

Composed : **Rajni Devi**

Skilled : **Rajat Paul**

Editor : **Abhilasha Sharma**